

"Руноқаракөл" мемлекеттік акционерлік компаниясын құру туралы

Күшін жойған

Қазақстан Республикасы Министрлер Кабинетінің Қаулысы 1993 жылғы 8 қыркүйек N 842. Күші жойылды - Қазақстан Республикасы Үкіметінің 1996.06.25 . N 793 қаулысымен.

Қазақстан Республикасы Президентінің "Шаруашылықты басқару органдарының жүйесін жетілдіру туралы" 1993 жылғы 23 маусымдағы N 1291 Жарлығын орындау үшін және жүн, қаракөл және басқа қой шаруашылығы өнімдерін өндіру мен ұқсату жөніндегі кәсіпорындардың көп қырлы нарықтық экономикаға көшуін жеделдету мақсатында Қазақстан Республикасының Министрлер Кабинеті қаулы етеді:

1. "Қазақруноқаракөл" өндірістік-коммерциялық концернінің кәсіпорындары мен ұйымдарының негізінде қосымшаға сәйкес "Руноқаракөл" мемлекеттік акционерлік компаниясы (бұдан әрі Компания) құрылсын.

2. Компания "Қазақруноқаракөл" концернінің мүліктік хұқы мен міндеттерінің заңды мұрагері болып белгіленсін.

3. Қазақстан Республикасының Мемлекеттік мүлік жөніндегі мемлекеттік комитеті Компанияға заңда белгіленген тәртіппен оның құрамына кіретін бұрын құрылған акционерлік қоғамдардың мемлекеттік акциялар пакетін иелену, пайдалану және басқару хұқын берсін.

4. Қазақстан Республикасының Мемлекеттік мүлік жөніндегі мемлекеттік комитетіне Компаниямен бірлесе отырып 1993-1995 жылдарға арналған (II-кезең) мемлекет иелігінен алу және жекешелендіру жөніндегі Ұлттық бағдарламаға және Қазақстан Республикасы Президентінің "Агроөнеркәсіп кешенінің мемлекеттік ауыл шаруашылық, дайындаушы, ұқсатушы және қызмет көрсетуші кәсіпорындарының мүлкін жекешелендіру жөніндегі қосымша шаралар туралы" 1993 жылғы 5 наурыздағы N 1137 Жарлығына сәйкес Компания құрамына кіретін кәсіпорындар мен ұйымдардың мемлекеттік мүлкін қайта құруды жүзеге асыру тапсырылсын. Мемлекеттік кәсіпорындар мен ұйымдарды акционерлендірген жағдайда құрылатын акционерлік қоғамдардың, белгіленген тәртіппен сатылатын акциялар пакетінен басқа, мемлекеттік акциялар пакетін Компанияға иеленуге, пайдалануға және басқаруға берсін.

5. Қазақстан Республикасының Ауыл шаруашылығы министрлігі мен Компанияға:

Компания құрамына кіретін акционерлік қоғамдар мен кәсіпорындардың

қызметін үйлестіру мен реттеу;

жоғары сапалы өнім өндіруді арттырудағы, кәсіпорындарды жаңғырту, жаңа объектілер салу, қой шаруашылығының өнімдерін өндіру мен ұқсату жөніндегі ғылыми-техникалық талдамаларды енгізу және орындау үшін шет ел инвестицияларын тарту мен пайдаланудағы сапалық бағдарламаларды әзірлеу мен жүзеге асырудағы мемлекет мүддесін сақтауды қамтамасыз ету тапсырылсын.

6. "Руноқаракөл" мемлекеттік акционерлік компаниясы заңды ұйым болып табылады, Қазақстан Республикасының заңдары, өз Жарғысы негізінде іс-әрекет етеді және республика агроөнеркәсіп кешенінің құрамына кіреді.

Қазақстан Республикасының

Премьер-министрі

Қазақстан Республикасы

Министрлер Кабинетінің

1993 жылғы 8 қыркүйектегі

N 842 қаулысына

Қосымша

"Руноқаракөл" мемлекеттік акционерлік
компаниясының құрамына кіретін кәсіпорындардың

Т І З Б Е С І

"Гурьев" мемлекеттік асыл тұқымды заводы, Қызылқоға ауданы, Атырау облысы
"Правда" газеті атындағы асыл тұқымды совхозы, Индер ауданы, Атырау облысы
"Талас" мемлекеттік асыл тұқымды заводы, Талас ауданы, Жамбыл облысы
"Бостандық" асыл тұқымды совхозы, Талас ауданы, Жамбыл облысы
"Түгіскен" мемлекеттік асыл тұқымды заводы, Сарысу ауданы, Жамбыл облысы
"Шу" асыл тұқымды совхозы, Мойынқұм ауданы, Жамбыл облысы
"Тимур" мемлекеттік асыл тұқымды заводы, Отырар ауданы, Оңтүстік Қазақстан облысы
"Қожатоғай" мемлекеттік асыл тұқымды заводы, Отырар ауданы, Оңтүстік Қазақстан облысы
"Көксу" асыл тұқымды совхозы, Шардара ауданы, Оңтүстік Қазақстан облысы
"Шардара" асыл тұқымды совхозы, Шардара ауданы, Оңтүстік Қазақстан облысы
"Байырқұм" шағын кәсіпорындар мен шаруа қожалықтарының ассоциациясы, Арыс ауданы, Оңтүстік Қазақстан облысы
"Сырдария" шағын кәсіпорындар мен шаруа қожалықтарының ассоциациясы, Сарыағаш ауданы, Оңтүстік Қазақстан облысы
"Созақ" ұжымдық шаруашылығы, Созақ ауданы, Оңтүстік Қазақстан облысы

Облысаралық мал дәрігерлік-өндірістік мамандандырылған лаборатория,
Абай ауданы, Оңтүстік Қазақстан облысы

"Шәуілдір" асыл тұқымды заводы, Отырар ауданы, Оңтүстік Қазақстан облысы

Ақтөбе жүнді бастапқы өңдеу фабрикасы, Ақтөбе қаласы

"Сенім" акционерлік қоғамы, Семей қаласы

Орал мех комбинаты, Орал қаласы

"Қазакиталқаракөл" бірлескен кәсіпорны, Шымкент қаласы

Ақтөбе аймақтық жүн лабораториясы, Ақтөбе қаласы

Жамбыл аймақтық жүн лабораториясы, Жамбыл қаласы

Семей аймақтық жүн лабораториясы, Семей қаласы

"Қазақаракөл" жылжымалы механикаландырылған колонна, Арыс ауданы, Оңтүстік Қазақстан облысы